

第 古吳葉天士批評

傷寒附翼

姑蘇原板



南京中医药大学图书馆版权所有

醫自軒岐道興。而靈素以下。代有名人著述。盧扁以後。如仲景著傷寒。直啟靈蘭秘洩。云版之文。若河間。東垣。丹溪。亦迥出凡流。與仲景並稱四大家。傷寒暨雜證之治療備矣。世咸宅之。但仲景之書。辭義左奧。雖經諸名家疏注。亦未能盡晰其理。近代以來。薛立齋。張景岳。喻嘉言等。皆存云雲。素或作或述。其餘諸證。比有發明。迨慈谿柯韻伯。注傷寒曰來。蘊四卷。並疏著附翼二卷。能獨開生面。而為爾世之宏念。予軒岐之學。於傷寒者。時刻夢之。今閱約伯之注。而疏透徹詳明。

萬為精而不亂。予深得其味。今評批十餘條。以備
閱者。既之時丙戌仲秋日。吳下葉桂題記

凡註批并記於右

桂枝湯下第七條批

痘濕暑症第二條批

痘濕暑症木陽病批

桂枝附子湯批

真武湯症批

吳茱萸湯註批

吳茱萸湯方批

厥陽脉症批

烏梅丸症批

白頭翁症批

諸寒熱症批

餘條并附異血之鈔筆評論也又記



附翼總目

上冊共三十捌方

太陽方總論

桂枝湯

麻黃湯

葛根

大青龍湯

小青龍湯

五苓散

十棗湯

麻黃甘膏湯

麻翹赤豆湯

文蛤湯

桂枝麻黃湯

桂麻合湯

桂枝二越湯

桂枝加附湯

芍藥甘附湯

桂枝甘草湯

桂枝大棗湯

桂枝人參湯

桂枝茯苓湯

桂枝去芍湯

桂枝杏仁湯

桂枝加芍湯

桂枝甘草湯

桂枝加桂湯

桂芍龍骨湯

桂枝龍骨湯

附子去桂湯

甘草附子湯

大陷胸湯

小陷胸湯

生姜瀉心湯

甘草瀉心湯

半烏瀉心湯

附子瀉心湯

旋覆代赭湯

甘姜苓參湯

赤石脂湯

抵當湯丸

下冊共四十三方

陽明總論

梔子湯

瓜蒂湯

甘草乾姜湯

白虎參湯

竹茹石膏湯

茵陳蒿湯

大承氣湯

蜜煎豬胆汁

少陽總論

小柴胡湯論

大柴胡湯

柴桂乾姜湯

柴胡桂枝湯

柴胡桂枝湯

黃連薤白湯

太陰方總論

理中丸

四逆湯

枳實芍藥湯

三物白散

麻仁湯

少陰方總論

麻黃細辛湯

附子湯

真武湯

白通湯

通脈四逆湯

茯苓四逆湯

吳茱萸湯

黃連阿膠湯

猪苓湯

四逆散

猪膚湯

甘草若酒湯

厥陰方總論

烏梅丸

當歸四逆湯

小建中湯

茯苓甘草湯

炙甘草湯

燒褸散

六經方餘論

麻黃升麻湯

杜蠟澤瀉散



傷寒附翼卷之上

太陽方總論

太陽主表故立方以發表爲主而發表中更兼治裏故種種不同麻黃湯於發表中降氣桂枝湯於發表中滋陰乾葛湯於發表中生津大青龍湯與麻杏甘膏湯麻翹赤豆湯於發表中清火小青龍湯與五苓散於發表中利水清火中復有輕重利水中各有淺深也若白虎

慈谿 柯琴 韻伯編
崑山 馬中驊 北較



之清火十棗之利水又解表後之證治其陷胸瀉心抵
當調胃四逆真武等劑又隨症救逆之法矣大抵太陽
之表不離桂枝麻黃二湯加減以心爲太陽之裏也今
將諸方詳論表章仲景治法令後人放胆用之則麻黃
湯治傷寒而不治中風桂枝湯治中風而不治傷寒等
說其可少息乎

〇〇〇桂枝湯

桂枝

芍藥

甘草

姜

大棗

此爲仲景羣方之魁乃滋陰和陽調和營衛解肌發汗之總方也凡頭痛發熱惡風惡寒其脈浮而弱汗自出者不拘何經不論中風傷寒雜病咸得用此發汗若妄汗妄下而表不解者仍當用此解肌如所言頭痛發熱惡寒惡風鼻鳴乾嘔等病但見一症卽是不必悉具惟以脈弱自汗爲主耳桂枝赤色通心溫經能扶陽散寒甘能益氣生血辛能解散外邪內輔君主發心液而爲汗故麻黃乾葛青龍輩凡發汗禦寒者咸用之惟桂枝湯不可用麻黃麻黃湯不可無桂枝也本方皆辛甘發

散惟芍藥微苦微寒能益陰斂血內和營氣先輩之無汗不得用桂枝湯者以芍藥能止汗也芍藥之功本在止煩煩止汗亦止故反煩更煩與心悸而煩者咸賴之若倍加芍藥卽建中之劑非復發汗之劑矣是方也用桂枝發汗卽用芍藥止汗生姜之辛佐桂以解肌大棗之甘佐芍以和裏桂芍之相須姜棗之相得陰陽表裏並行而不悖是剛柔相濟以爲和也甘草甘平有安內攘外之功用以調和氣血者卽以調和表裏且以調和諸藥矣而精義尤在啜稀熱粥以助藥力蓋穀氣內充外邪勿復入熱粥以繼藥之後則餘邪勿復留複方之

妙用又如此故肌之發汗則不至於亡陽用之止汗自
不至於貽患今人凡遇發熱不論虛實悉忌穀味利桂
枝方者俱創此法是豈知仲景之心法乎要知此方專
治表虛但能解肌以發營中之汗不能開皮毛之竅以
出衛分之邪故汗不出者是麻黃症脈浮緊者是麻黃
脈卽不得與桂枝湯矣然初起無汗當用麻黃發汗如
汗後復煩卽脈浮數者不得再與麻黃而更用桂枝如
汗後不解與下後脈仍浮氣上冲或下利止而身痛不
休者皆當用此解外蓋此時表雖不解腠理已疎邪不
在皮毛而在肌肉故脈證雖同麻黃而主治當屬桂枝

也粗工妄謂桂枝湯專治中風一證卽定後人耳目而
所稱中風者又與此方不合故置之不用愚常以此湯
治自汗盜汗虛瘧虛痢隨手而愈因知仲景方可通治
百病與後人分門證類使無下手處者可同年而語耶

麻黃湯

麻黃

桂枝

杏仁

甘草

治風寒在表頭痛項強發熱身痛腰痛骨節煩疼惡風惡寒無汗胸滿而喘其脉浮緊浮數者此爲開表逐邪發汗之峻劑也古人用藥用法象之義麻黃中空外直宛如毛竅骨節故能去骨節之風寒從毛竅而出爲衛分發散風寒之品桂枝之條縱橫宛如經脉系絡能入心化液通經絡而出汗爲營分散解風寒之品杏仁爲心果溫能助心散寒苦能清肺下氣爲上焦逐邪定喘之品甘草甘平外拒風寒內和氣血爲中宮安內攘外之品此湯入胃行氣於立府輪精於皮毛斯毛脉合精

而溱溱汗出在表之邪其盡去而不留痛止喘平寒熱
頓解不煩躁弱而藉汗於穀也其不用薑棗者以生薑
之性橫散解肌礙麻黃之上升大棗之性滯泥於腸礙
杏仁之速降此欲急於直達稍緩則不迅橫散則不峻
矣若脉浮弱汗自出者或尺脉微遲者是桂枝所主非
此方所宜蓋此乃純陽之劑過於發散如單刀直入之
將投之恰當一戰成功不當則不戰而召禍故用之發
表可一而不可再如汗後不解便當以桂枝湯代之若
汗出不透邪氣留連於皮毛骨肉之間又有麻桂合半
與桂枝二麻黃一之妙用若陽盛於內而無汗者又有

麻黃杏仁石膏連翹赤小豆等劑此皆仲景心法也予
治冷風哮與風寒溼三氣成痺等證用此輒效非傷寒
一證可拘也○按麻桂二方治傷寒中風者遇當用而
不敢用註疏傷寒家於不當用者妄言其當用如太陽
衄血證宜桂枝湯句語意在當須發汗下麻黃主之句
在當發其汗下二句皆於結句補出是倒序法也仲景
於論證時細明其所以然未及於方故耳夫桂枝乃行
血之品仲景用桂枝發汗不是用桂枝止衄是用在未
衄時非用在已衄後且奪血者無汗此理甚明麻黃乃
上升之品夫既云衄乃解又云自衄者愈若復用升提

之藥衄流不止可必矣且衄家不可發汗此禁甚明矣
又如小青龍主之句語意在服湯已上豈有寒去欲解
反用燥熱之劑重亡津液令渴不解乎且云服藥已服
湯已者是何藥何湯耶觀仲景於所服藥不合法者必
明斥之如所云服瀉心湯復以他藥下之利不止又云
知醫以他藥下之非其治也粗工不知倒序等法又弱
於風寒二字而曰是雖熱甚邪由在經以麻黃治衄是
發散經中邪氣耳請問邪氣寒乎熱乎若寒邪則血凝
不流焉得有衄若熱邪則清降不遑而敢升發耶且云
點滴不成流者必用服藥若成流不止將何法以善其

後乎此悞天下蒼生之最盛者余因衣而出之



南京中医药大学图书馆版权所有

仙傳附翼

卷上

六

卷上九則
仙傳附翼
卷上



北京中医药大学图书馆版权所有